

UGOVOR

o nabavci roba – nabavka i ugradnja protupožarnih vrata

Zaključen između:

1. **Kantonalna javna ustanova Dom za djecu bez roditeljskog staranja**, sa sjedištem u Sarajevu, ulica Bjelave 52, koju zastupa direktorica Belma Ahmagić, (u daljem tekstu: „Ugovorni organ“)

i

2. **Prodoor d.o.o. Sarajevo**, ulica Derviš Fevzi Mostarca 1, ID broj: 4201995630001 koju zastupa direktor Admir Šahović (u daljem tekstu: „Dobavljač“)

PREDMET UGOVORA

Član 1.

Predmet ovog ugovora je nabavka roba – nabavka i ugradnja protupožarnih vrata prema Ponudi Dobavljača broj: 123/19 od 16.05.2019. godine, koja je sastavni dio ovog Ugovora.

CIJENA

Član 2.

Vrijednost Ugovora je određena Ponudom Dobavljača i iznosi :

- Cijena bez PDV-a: **20.172,80KM;**
- PDV (17%): **3.429,37 KM;**
- Cijena sa PDV-om: **23.602,17 KM.**

U cijenu su uračunati troškovi ugradnje nabavke i ugradnje protupožarnih vrata na adresi Ugovornog organa.

USLOVI I NAČIN PLAĆANJA

Član 3.

Ugovorni organ se obavezuje da Dobavljaču izvrši plaćanje isporučene i ugrađene robe prema uslovima navedenim u Ponudi Dobavljača broj: 123/19 od 16.05.2019. godine i to na odgovarajući transakcijski račun Dobavljača koji će biti naznačen na fakturi.

Plaćanje za isporučenu i ugrađenu robu Ugovorni organ će izvršiti prema pravilima trezorskog sistema plaćanja Ministarstva finansija Kantona Sarajevo.

ROK ISPORUKE I UGRADNJE

Član 4.

Dobavljač se obavezuje da ugovorenu i prodatu robu isporuči i ugradi na adresi Ugovornog organa: KJU Dom za djecu bez roditeljskog staranja Bjelave 52 i to u roku od 60 dana od dana obostranog potpisivanja ovog Ugovora.

Do isporuke/predaje opreme Dobavljača (do dana obostranog potpisivanja zapisnika o kvantitativnom prijemu predmeta nabavke bez primjedbi) rizik slučajne propasti ili oštećenja predmetne nabavke snosi Dobavljač, a s isporukom/predajom predmeta nabavke rizik prelazi na Ugovorni organ. Rizik ne prelazi na Ugovorni organ ako je isti zbog nekog nedostatka isporučenog/predanog predmeta nabavke raskinuo ugovor ili tražio zamjenu predmeta nabavke.

ODGOVORNOST ZA MATERIJALNE I PRAVNE NEDOSTATKE

Član 5.

Dobavljač odgovara za materijalne nedostatke stvari koje je ista imala u času prelaska rizika na Ugovorni organ bez obzira na to da li mu je to bilo poznati.
Dobavljač odgovara i za one materijalne nedostatke koji se pojave nakon prelaska rizika na Ugovorni organ ako su posljedica uzroka koji je postojao prije toga.
Neznatan materijalni nedostatak ne uzima se u obzir, a šta se pod neznatnim materijalnim nedostatkom podrazumjeva zajednički komisijski utvrđuju Ugovorni organ i Dobavljač.
U obavijesti o nedostatku stvari Ugovorni organ je dužan opisati nedostatak i pozvati Dobavljača da izvrši uvid.
Nedostatak postoji ako ugovoreni/isporučeni predmet nabavke nema svojstva i odlike koje su izričito određene ovim ugovorom.
Dobavljač odgovara i za nedostatke koje je Ugovorni organ mogao lako opaziti ako je izjavio da stvar nema nikakve nedostatke ili da stvar ima određena svojstva ili odlike.
Dobavljač odgovara ako na isporučenom predmetu nabavke postoji neko pravo trećeg koje isključuje, umanjuje ili ograničava pravo Ugovornog organa o čijem postojanju Ugovorni organ nije bio obavješten, niti je pristao da primi stvar opterećenu tim pravom.
Ukoliko se pokaže da treća osoba polaže neko pravo na ugovorenu opremu/robu, Ugovorni organ je dužan obavjestiti Dobavljača o tome, izuzev kada je to Dobavljaču već poznato, i pozvati ga da u razumnom roku oslobodi stvar od prava ili pretenzije trećeg ili da mu isporuči drugu stvar bez pravnog nedostatka.
Ako dobavljač ne postupi po zahtjevu Ugovornog organa, ugovor se raskida.

GARANCIJA ZA KVALITET UGRAĐENE ROBE

Član 6.

Dobavljač daje garanciju na kvalitet predmetne robe u trajanju od 24 mjeseca.

BLANKO MJENICA ZA OSIGURANJE IZVRŠENJA UGOVORENIH OBAVEZA

Član 7.

Dobavljač je, u smislu osiguranja izvršenja obaveza po ovom okvirnom sporazumu obavezan Naručiocu dostaviti blanko mjenicu izdatu na iznos od 10 % ukupne vrijednosti okvirnog sporazuma i mjeničnu izjavu u kojoj je navedeno isto, kao i rok važenja do 31.12.2019. godine, te ostali bitni elementi koje mjenična izjava mora da sadrži.

Član 8.

Dobavljač će garanciju iz člana 7. dostaviti u roku od 7 dana od dana zaključivanja/obostranog potpisivanja ovog okvirnog sporazuma. Mjenica se dostavlja u originalu. Mjenica ne smije biti ni na koji način oštećena (bušenjem, i sl.) jer probušena ili oštećena garancija se ne može naplatiti. Ukoliko mjenica nije dostavljena na propisan način, shodno uslovima iz tenderske dokumentacije i u roku iz prethodnog stava, zaključeni okvirni sporazum smatrat će se apsolutno ništavim.

UGOVORNA KAZNA

Član 9.

U slučaju kašnjenja u isporuci robe do kojeg je došlo krivicom odabranog ponuđača isti je dužan platiti ugovorenu kaznu u iznosu od 0.1 % ukupne cijene, za svaki dan kašnjenja do urednog

ispunjenja, s tim da ukupan iznos ugovorene kazne ne može preći 5 % od ukupno ugovorene vrijednosti robe koja je predmet ugovora.

Odabrani ponudač je dužan platiti ugovornu kaznu u roku od 7 (sedam) dana od dana prijema zahtjeva Ugovornog organa za plaćanje.

Ugovorni organ neće naplatiti ugovorenu kaznu ukoliko je došlo do kašnjenja usljed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje izabrani ponudač nije mogao uticati niti ih predvidjeti.

PRIMJENA ZAKONA O OBLIGACIONIM ODNOSIMA

Član 10.

Ugovorne strane su saglasne da sve ono što nije u ovom ugovoru predviđeno, važe propisi iz Zakona o obligacionim odnosima.

RJEŠAVANJE SPOROVA

Član 11.

Eventualne sporove proizašle iz ovog Ugovora, ugovorne strane će pokušati riješiti dogovorom, usaglašavanjem, posredovanjem ili na drugi miran način u duhu uzajamnog povjerenja i poštivanja i dobrih poslovnih običaja, a u slučaju da isti ne mogu riješiti nadležan je Općinski sud u Sarajevu.

STUPANJE UGOVORA NA SNAGU

Član 12.

Ovaj ugovor stupa na snagu danom obostranog potpisivanja od strane ovlaštenih ugovornih strana.


ZAVRŠNE ODREBE

Član 13.

Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

UGOVORNI ORGAN

Kantonalna javna ustanova Dom
za djecu bez roditeljskog
staranja



MSc. BA Belma Ahmagić,
direktorica

Broj: 1063/19

Datum: 29.05.2019. godine

DOBAVLJAČ

Prodoor d.o.o.


Admir Šahović, direktor

Broj: 123/19

Datum: 29.05.2019